

NSA' NGA NJÚ TE PA MFÉÉ KÊT MÚN NYÜTU

NJÚE ME SHÚKÉT

Lo' te ka kúmshe nga wûme, yúe a njit ne gú púen te ngúet púen nyütu pua pa mféé kê' ap ngúenengúe sebe,
pe na yire mbe map(ureyúe' ne) kú ghét ngam pua sappé ne fúeshe te njú na, lo' te ka fét kwen pua tâne pa
mféé kêt mún nyütu kpa' nkiere gû ngétne nga pâre yúe a mfiébe

Wupme pa te njú na, pua ka tuo tuo njú mfé ira yúe púen nyütu ntuo pe ne kú shúkét pua kú wûshe te túm
túme puô pua ngúe', shi na mbe pô yi nsa' me pum yu sha' múm nyütu na,

Lo' te ka a nta' mi pa mféékê mún nyütu kpa' mbe yu shi te nsa' ngu mféékê me shi' mi a me yétne yi njit
mún nyütu me ndînî ne pi' tu te nsa' kpen pua yit mún te ngu na,

Lo' te ka a ntá suo nshi' shâne sun ma fâne túm túm ma,

Lo' te ka, te mâ kèn, túm túm te nda shut ngu ngu mbône kpa' mbit nféere pemtú yap te map map mféékê
mún nyütu, lo' te wûme pua nga'két mbe mún nyütu, te ngúenengúe pa mféékê pemba pua pemgbié mbi pit
nsa' ndishut te yi ndùere tam kut te wume la' pua yi mféere fuomkét fuomkét mmanjé wume te ndà lône kú
ghét ngam ma.

Lo' te ka gû nsa' ngu ngu kpa' nsèn te pamme mbuo pua nda nshùt ngumbône, yi mbe ngum nshin pa
mféékê mún nyütu pua map map kú ghét ngam ma,

Lo' te ka yi nyéte mbuomshe shire shire pa mféékê pua pa kú ghékét ngam pe na pô nga ngûre te yi ngûre
yire yi gbèt kèn nsebe na,

Puomshe Mbadem mún

nâ tupshe yire yi nsa' nga njú, ti pa mféékê mún nyütu, po yúe wupme ndi nshur'úe a nta' mi gû túm túm pua

ngu ngu yétne yi ngum pô nshin na, me shi' mi gû pûen ne gû pe kpúere pûen te la', yúe pe nshüshü' yire yi
nsa' ngam me wupme na, pe ne ma'si' te yu lére puo kúú wupme, a yétne fa pé, lo' te ndi ngam membéte,
túm te ngu ngu pua fâne ngu ngu, lo' te kúmshe pua shétte te ngétne nga mbône mún nsebe ngúe ngúe me rü
pa te ngu ngu nda shút puonepuo pua fâne nsié ngu ngu shúe pe nsa' na.

Pum mgbefi 1

Pe nâ mvé gú puen nyütu pô te mbe kú ghét ngam pua ngúenengúe mbe te wúme nsebe pua pa mféékê. Pen
â ntúm te mbe kú rem ngam pua fabshe ngam, a nshi nji'r' ap ne yi nshâne ngétne nga shap pô te wupme
pontâ.

Mgbefi mbète 2

Nshié mún yétne yi ngét kú ñwet te gû pa mféékê pua kú ghét ngam túm te yire yi nsa' nga njú, shi mshié
nsènte me túm, me ngup, me sù, me shùket, me nga nyinyi, me nda ntañ, ké mo' nshié wupme túm lo' te la'
ké lo' te fâne pûen'e, lo' te nkap, lo' te vé ké lo' te mo' nshié mbe.

Mo' nké nshié nsènte ntap ndo' tèr'i mo' ngâ shi te mgbète ntañ, mgbète kèn ké mgbète fâne túm túm ngu ké
sâ ngu múm nyütu, pa yúe yire ngu ké sâ ngu mbe ne shütu na, nshin nsa' mo' ngu na, shi pe ne kú ghét
ngam ké mbe pô ne páshe shütu na.

Mgbefi mbète 3

Nshié mún nyütu ghét mfée kêt wume, mfée kêt kú ghét ngam pua mfée kêt tènntúúm wume te mbe mi.

Mgbefi mbète 4

Mo' nshié mún ntap ndo' pe'i mkpèn ké te mbe fa'kpèn ne, me nga kâ kpèn pua ntèn kpèn ka kpa' njié kèn te
gû mbe map mentèn na.

Mgbèfi mbète 5

Mo' nshié múm nyütu ntap ndo' pi' kwete'i ngúe' menduwan.

Mgbèfi mbète 6

Nshié múm ghét mfée kêt wúme ntu nté ni pue nkèn te gû li' mentèn.

Mgbèfi mbète 7

Gû púen kpa' na mbe pô ngúe ngúe mesù kèn mbi pit ngékét mfée kêt shi nsènte mbe te ka kèn ntúe'she wap ngúenengúe na. Gû yap ghékét ngúenengúe mfée kêt ntúe'she me shi' yi nkú' ranami yúe a nte pe nsùene yire nsa' ngam ma, mo' nké yétne yi nèn nshié rône yúe a nsüshe rane-mi na.

Mgbèfi mbète 8

Nshié múm pua ne mfée kêt yi mfa ñwer'i tu gû nda sa' ngu yúe a yétne yi mfèr'i te map map pa mfée kêt'i túm te mâ kèn ké kèn ngu.

Mgbèfi mbète 9

Nshié múm mâ njetne' i yi mbe yu vé te kû tú mo' múm, ké yi mshüshü' i, ké yi ntúme'i te ngu.

Mgbèfi mbète 10

Nshié múm nyütu ghét mfée kêt, ngúenengúe nsebe, ne ka pe njetne yi nju' mbie'ne sa' shi me ndô ngúere te nda sa' shütu shi nga rane-mi ntúúm ña yùe pe ntuo li sa, tupshe pa mfée kêt'i pua kêt'i na, ké yi ntupshe mgbú sa' shi yúe a ntuo suo'i ne sa' na.

Mgbèfi mbète 11

Nshié múm'úe pe nsôme'i na, pum na mbe ndi' pô ngâ gbú sa', kúka kèn ki're nguo kwete mgbú sa' shi te

nda sa', me ndô ngúere, ña yúe loya njétne yi mfèr'i pôkéri na.

Pe ntap ndo' suo'i sa' ndun nshié mún, lo' te ngékét pua shu shi ghet ké shu shi rié, fú' yié ka a ndi' pô fubkèn túm te kèn ngu ke' ken njú mansié. Mo' nké shi pe mbi' ndo' njap nsuo sa' ndun mún à rét nja' yúe a pemi té mbe yi mgbète te fú' fubkén na.

Mgbèfi mbète 12

Nshié mún yié ndi' yúe pe ndo' mbe mbib'i ne yi lo' nyi te nga wumeshi yi'she, pa nshut nda'i, li' shu'i ké lérewa shi, shi núshe ntu nté mi pua ngétne nga shi yi mbôkét. Nshié mún nyütu ghét mfée kêt túshe lo' puo kén meshi' yi nkü yúe pe mbe mbib'i ké yi mbe núshe' i ne.

Mgbèfi mbète 13

Nshié mún nyütu ghét mfée kêt ghét kú yi nkétne ne yi nsho' li' shu'i (nka'shi) te nshié ngu.

Nshié mún nyütu ghét mfée kêt yi ntúm nshié ngu, mbû ngu'i, mbit nkù njétne yi mbùtne ntúúm.

Mgbèfi mbète 14

Te ka pe mbe nta' vé mún na, mbû i ghét mfée kêt yi nta' li' kebkebe mbit, nkú kwete li' kebkebe te shimo' ngu.

Yire yi mfée kêt ndi' yu rié te pa vévé yúe mún ghét püü ngúre na, ké te ngétne nga yúe a ndi' yùni pua nsa' nga njú mansié na.

Mgbèfi mbète 15

Nshié mún nyütu ghét mfée kêt yi mbe ntúmsié ndi' la'.

A ndi yétni ne yúe pe nkuot ntúmsié la' puo mún, ké yúe pe nkuot mfée kêt yi kupshe ntúmsié la'pue'i nâ.

Mgbèfi mbète 16

Lo' te lúm li, membâ po memgbié nghétkét mfée kêt yi ndâme mbit njétne yi nsèn ngùet mún, shi tié nto'ne nga túm, nga la' púen ké nga nyinyi púen ne. Pe ghét kêt na mfée kêt te lam pô ngùenengùe, lo' te wume lam pua fú' yié ka pe ño lam ma.

Kutlam shu na pô te ndi nshut pua pééme pè'ghâ yi ndâme.

Ngúet mún pua nki map mbadem mún lo' fem nshin mo'nké mbi ghét mfée kêt kwete shi lo' puo mbadem mún pua nsa'ngu.

Mgbèfi mbète 17

Nshié mún, yi'she ké me rü pùen ne, ghét mfée kêt ghét kû yi yúm.

Pe mâ njétñi yi nvé mún nkuot kû yu'i.

Mgbèfi mbète 18

Nshié mún nyütu ghét mfée kêt kú rem ngam, yi, ne nga nyinyi; yire yi ntupshe yi ngét kú kupshe nga nyinyi ké ghét kú ghét nga nyinyi yi'she ké te puomshe me ndôngúere ké me lúemshe, lo' te yu lére, gû ngéri, fa ngûre ne nyinyi pua ghét gû mgbète ntuot nga nyinyi.

Mgbèfi mbète 19

Nshié mún pua ne mfée kêt ghét kú ghét wupme ne yi nshúkére, yire yi ntupshe mfée kêt yi mbe shi yétne yi kwete nkamkét ngam me shi' gû wupme shi ne mfée kêt yi njétne yi nta' yi nkweite mbit nsam gû pesa'kúe pua wupme te nshié manjé yi nsâme.

Mgbèfi mbète 20

Nshié mún pua ne mfée kêt ghét kú ghét puomshe ne ghét nda nshút puomshe te fùeshe.

Pe fa pe yié yîri mún i pe mún nda puomshe.

Mgbèfi mbète 21

Nshié mún ghét mfée kêt yi nshâre tésù te pesa'kúe npa ngu'i, ké me mún nténe, ké njem púenpúe pe sha' sh sh na.

Nshié mún ghét mfée kêt yi ngét ntu nté te nsa'ngu'i lo'te ngúenengúe mgbète kèn yi kwete.

Kû ntú pa te ngu pe na yire mbe meyùe'ne (to'she) ne pâwa nsa'ngu. Yire yi kû ntúúm pe nâ yitkéri te nshôshî pô lo' te shisho' nzènkét te gû pe rap fù', nère nshié mún sho' yi ngúengúe yié momap, me lúem ké yúe pe nsho 'mo' nza féénî shi yît mún mbe na.

Mgbèfi mbète 22

Nshié mún, me rû lala pa te ngu, ghét mfée kêt yi mbe ne tèn ntúúm wume mb ne mún. A nâ tèt ngâ shi lo'te yi kwete lúúm ntúúm pa mfée kêt shüshü' mbèt pam, fâne púen te la' ne nga yi ntuet púen yúe a nkpa'she njit te nga wúme shi na, pua nga lúere púnte ntu nté mi na, lo' te ma'si' ngu pua shâne wume ngu ngu, mbe njùe'ne te nga yi nsh she ne nga mbètpam nshié ngu.

Mgbèfi mbète 23

Nshié mún nyütu ghét mfée kêt fa', kú sho' fa' shi, lo'te mgbéte fa' yùe a pua yi ghapshe ngúe ngúe ne shîre lem túúm pua yi nèn manjé ne nga shu ndem na.

Gú pùen ghétkét mfée kêt ngúenengúe péé te ngúenengúe fa' shi rane mi mbe.

Nshié ngâ fa' ghét mfée kêt péé a pe yétni mbit mbe yi shîre ntúúm mbe nshâre'i pua ngùr'i te wume yúe a yùne pua wúme ndun mún nyütu na, nzîshîpe yi mbe nsham pa mebú're te shimo'mmanjé yiéka a ntâne na.

Nshié mún ghét mfée kêt yi njúp nda nshùt tùe'she sée mbétpam pua shimo' pùen mbi pit njétne yi nyi te

shire shúe nda shùt meshi' tùe'she sée shi.

Mgbèfi mbète 24

Nshié mún ghét mfée kêt gbùne ñwet pua pa fône fú'ndem ntamme pékét mgbète fú' fa'ne ngab ngab'úe a pua yi péé te pe rap fú' na.

Mgbèfi mbète 25

Nshié mún pua ne mfée kêt kwete ntu nté wume njétne a pe yi fú'she njap ñwet, nshu mbôkér'i ne shi ngúér'i, ntamme meshi' njùpayù, ma'shùe', nda nshu, yüre shi, lâne pe fa' fèt pùen te la', yùe pe ghét shèt nga shi na I ghét mfée kêt puo-ghâme nsa'ngu me yúe i mbe shi fa' na te ya na, ne kúlúemshe na, te küü na, te réne na ké te shi mo' mbe yúe kú wume sié puo'i, lo'te nkamkét ngam'úe a ndi' te kú ntú'i na.

Nda vé pua pon kpa'she ngét mfée kêt yi nkwete ghâme ne mfère yúe a pua shétfi na. Gû pon, mbû pon njem nâ ngum nshin ngúenengúe túshe pa te la'.

Mgbèfi mbète 26

Nshié mún nyütu ghét mfée kêt yu lére (kúú wupme). A nâ njit mi kúú wupme pe pô ndem ndem, nkúeshi yétne yi mbe yu lére me njiéshî (pum yu lére) yúe a pua meyùe'ne mbit mbe nkparé'na. Njiéshe yu lére pua pô yitkéri. Yu lére ntu mbue ne yi yi fa' nâ njit mi pe sâm. mbe njit yúp ndalérewa ngutngûre me nsa'ne ne púen me mfù' kú ngur'ap.

A nâ njit mi yu lére pe nshééne runkét fú'she ntu nté mún nyütu ne suo kú yi mfa puô pa mfée kêt mún nyütu ne mkpara' fône kú ghét ngam. A nâ njit lúere nju'ngam mümshe ne sun me fâne ngu ngu ne gú lap lap túm túm ké nga nyinyi, shi lâne tamkut te ngétne nga nda shút ngu ngu mbône, meshi' shüshü' fúeshe.

Pa mvévé, te fakú, ghétkét mfée kêt yi nsho' nga yu lére yùe pe yétne yi mfa ne pon pap na.

Mgbèfi mbète 27

Nshié mún ghét mfée kêt yi ngum fúeshi tu wume ntuot mbône mún, yi nsée te pa ghére ntu mbue ne yi ndù'nga wuo nkú sú te yi yu ghére pua ngambôkér'i.

Nshié mún ghét mfée kêt yi kwete tûe'she te sée nga ntuot pua mbètpam tùm te yu fû'she yi yi yu ghére, yi yi yu tûete ke yi yi yu ghére ntu mbue yúe i ghét na.

Mgbèfi mbète 28

Nshié mún ghét mfée kèr'ùe a mbe nsa' lo' te fâne púen pua ngu ngu, mgbète kèn kùka pa mfée kêt pua kú ghétkét ngam te yire yi nsa' nga njú njetne yi mbe wumkéri ntúúm na.

Mgbèfi mbète 29

mún nyütu ghét kup kup mfa mfe ndun mbône mún na yúe a li mî fône pua runkét tamkut te ntu nté mi yétne yi mbe na.

Te rûne pa mfée kèr'i pua lúúm ntúúm te kwete kú ghétkét nga shi, nshié mún nâ mkpem ñwor'i te ndùt ndùt kén meshi' wûme pua fa puô pa mfée kêt pua kú ghét ngam ne montâ a lo' mfa pû ne ndû nga kúú wupme ngambôkét, mgbète nga nsa'ngu ne nshubôkét mbadem mún te ngu shûtu.

A mâ njétni mi shire pa mfée kêt pua kú ghét ngam lo' mbe mfa'ne pua gû pa sha'ne gû mgbète nsa' ngam nda shùt ngu ngu mbône.

Mgbèfi mbète 30

Mo' nshié me yúe'ne lo' te yire yi nsa' ngam mâ njetni suo kú nshié nsa' ngu, lap lap pùen ké ndi mún ne, ne yi ngét nshié mfée kêt te ghét pesa'kúe yúe pe fa a nyé're pa mfée kêt puo kú ghétkét ngam'ùe pe ntanke ntúúm ma.